



Broj: **03/1-50-14-7-30/13**

Sarajevo, 08. 10. 2013.

**PREDMET: IZVJEŠTAJ S RADIONICE O PROVOĐENJU AKTIVNOSTI NA
UTVRĐIVANJU I RJEŠAVANJU STANJA MUNICIJE I MINSKO-EKSPLOZIVNIH
SREDSTAVA (MiMES) U ORUŽANIM SNAGAMA BiH I POSJETA TROM DOBOJ,
16. i 17. 9. 2013.**

U organizaciji Ministarstva odbrane BiH i Razvojnog programa Ujedinjenih naroda (UNDP), uz podršku Misije OSCE-a u BiH, a u okviru projekta uništavanja eksplozivnih ubojitih sredstava (EXPLODE) koji finansira Evropska unija, **16.9.2013.** u Doboju je održana radionica s članovima Zajedničke komisijom za odbranu i sigurnost BiH.

Radionici su prisustvali članovi Zajedničke komisije: Dušanka Majkić, predsjedavajuća, Mehmed Bradarić i Krunoslav Vrdoljak, članovi, Ljiljana Milićević, sekretar, i Željko Grubešić, stručni savjetnik u Uredu sekretara ZK.

U ime Ministarstva odbrane BiH prisustvovali su Marina Pendeš, zamjenica ministra, i brigadir Dalibor Perić.

U ime OSBiH prisustvovali su: brigadni generali Senad Mašović i Mirko Tepšić, zamjenici načelnika ZŠOSBiH, brigadni general Husein Tursunović, komandant Komande za podršku OSBiH, brigadir Dragan Stupar, brigadir Marinko Pejić, pukovnik Savo Aničić, komandant lokacije TROM Dboj.

U ime UNDP radionici su prisustvovali: Amela Medić-Ćosović i Jasmin Porobić, projekt-menadžeri sa saradnicima. Misiju OSCE-a u BiH su predstavljali Vera Orloff i Jasna Dragičević.

Cilj ove radionice je upoznavanje članova Zajedničke komisije za odbranu i sigurnost BiH s trenutnim rezultatima u provođenju projekta EXPLODE, prezentacija novouspostavljenih tehnoloških linija za delaboraciju, upoznavanje s procesom inspekcije skladišta naoružanja, municije i minsko-eksplozivnih sredstava (MiMES) Oružanih snaga BiH, kao i upoznavanje s rezultatima u procesu uništavanja municije i MES-a u 2013. godini.

Predstavnici Ministarstva odbrane i Zajedničkog štaba Oružanih snaga BiH upoznali su članove Zajedničke komisije za odbranu i sigurnost BiH s procesom podizanja sposobnosti

Oružanih snaga BiH u upravljanju skladištima MiMES-a i 100% inspekcijama i uništavanjem visokorizičnog MiMES-a.

Ciljevi projekta EXPLODE su:

- Razviti vojno-logističke operacije,
- Unaprijediti stopu uništavanja MiMES-a,
- Uništiti opasnu municiju i MES i kompleksne sisteme naoružanja,
- Provesti obuku za visoke oficire iz oblasti rukovođenja zalihama MiMES-a,
- Izvršiti poboljšanje uslova sigurnosti skladištenja u vojnim skladištima.

Realizacija projekta počela je 1. 6. 2013. i traje 28 mjeseci - do kraja 2015. godine.

To podrazumijeva realizaciju sljedećih komponenata:

Komponente I. uništavanje MiMES-a (RZO TROM Doboj i poligon Glamoč),

Komponente II. razvoj kapaciteta za kontrolu sigurnosti MiMES-a (obuka personala za kontrolno-tehničke preglede i upravljanje zalihama MiMES-a),

Komponente III. unapređenje sigurnosti i standarda MiMES-a (unapređenje infrastrukture skladišta za MiMES i naoružanje).

Realizacijom projekta EXPLODE prioritetno je predviđeno da se unaprijede tehnološki kapaciteti na uništenju delaboracijom MiMES-a te, u skladu s tim, Ministarstvo odbrane i Oružane snage BiH treba da:

- sagledaju potrebu za proširenjem personalne formacije TROM Doboj što podrazumijeva da do kraja decembra 2013. treba jasno definirati potrebe za izmjene personalne formacije koja bi imala za cilj podizanje nivoa produktivnosti kapaciteta za uništavanje. To, uz ostalo, podrazumijeva i reguliranje posebnog dodatka na plaću vojnim civilnim licima zaposlenim u TROM Doboj.

Zajedničkoj komisiji za odbranu i sigurnost BiH prezentirani su tokom radionice sljedeći izvještaji:

- Proces podizanja sposobnosti OSBiH u procesu upravljanja skladištima MiMES-a u OSBiH, brigadni general Senad Mašović,
- Realizirane aktivnosti po izvještaju Zajedničke komisije za odbranu i sigurnost BiH prilikom posjete TROM Doboj, novembar 2011. godine, s težištem na proširenju personalne formacije i rješavanju statusnih pitanja pripadnika Radionice za održavanje i uništavanje municije, major Dragan Pejović,
- Trenutni kapaciteti i izazovi radionice TROM Doboj, brigadir Marijan Pejić,
- Projekat EXPLODE, rezultati i planovi, Jasmin Porobić, projekt-menadžer UNDP-a,
- Projekat EXPLODE, rezultati i planovi s pozicije Oružanih snaga BiH, brigadir Dragan Stupar,

- Operacije rješavanja viškova naoružanja i MiMES-a u OSBiH, brigadir Dalibor Perić,
- Operacije s MiMES-om u 2013.godini i 100% inspekcije, brigadni general Husein Tursunović.

Članovi Zajedničke komisije za odbranu i sigurnost BiH upoznati su i s formiranjem zajedničkih tijela MOBiH i OSBiH, međunarodnih organizacija u BiH te zemalja donatora, za proces rješavanja MiMES-a:

- Strateški komitet,
- Koordinacioni komitet,
- Radna grupa Glamoč,
- Radna grupa Krupa 2017. i
- Radna grupa TROM Doboj.

Sve prezentacije date su Zajedničkoj komisiji u elektronskoj formi.

Upravni odbor EXPLODE informirat će tromjesečno Zajedničku komisiju o realizaciji projekta EXPLODE.

MOBiH i ZŠOSBiH izvještavat će tromjesečno Zajedničku komisiju o realizaciji aktivnosti na 100% inspekciji kvantiteta i kvaliteta stanja MiMES-a i uništavanja MiMES-a.

Prisutni članovi Zajedničke komisije su nakon detaljnog informiranja dali punu podršku započetim aktivnostima MOBiH, OSBiH i UNDP/EU/OSCE na planu utvrđivanja i rješavanja stanja MiMES-a kao i uspješnom okončanju ovog projekta.

Prilog: Prezentacije (1. - 7.)

Dušanka Majkić, predsjedavajuća, Krunoslav Vrdoljak i Mahmed Bradarić, članovi Zajedničke komisije za odbranu i sigurnost BiH, **17.9.2013.** obišli su Radionicu za održavanje municije i minsko-eksplozivnih sredstava Oružanih snaga BiH - TROM Doboj.

U ime Ministarstva odbrane BiH, članove Zajedničke komisije dočekaio je Mirko Okolić, zamjenik ministra sa saradnicima, a u ime Zajedničkog štaba OSBiH brigadni generali Senad Mašović i Husein Tursunović kao i komandant lokacije pukovnik Savo Aničić sa saradnicima.

Tokom radne posjete, koja ima za cilj da se sagleda stanje i operativnost opreme i mašina u TROM Doboj, razgovarano je o rezultatima i problemima u radu kao i stanju opreme koja se koristi u procesu delaboracije municije i minsko-eksplozivnih sredstava.

Konstatiran je vidan napredak u ispunjavanju planiranih obaveza i zadataka radionice TROM Doboj. Preporuke i zaključci Zajedničke komisije iz novembra 2011. godine su izvršene, a napredak u saradnji OSBiH i UNDP/EU/OSCE u procesu delaboracije municije i minsko-eksplozivnih sredstava je vidljiv, posebno poboljšanjem uslova rada i operativnost opreme

koja se koristi na lokaciji OSBiH TROM Doboj. Prepoznat je i značaj finansijske podrške Evropske unije.

PREDSJEDAVAJUĆA KOMISIJE
Duška Majkić

Prilozi:

- **Prezentirani izvještaji tokom radionice:**
- Proces podizanja sposobnosti OSBiH u procesu upravljanja skladištima MiMES-a u OSBiH, brigadni general Senad Mašović,
- Realizirane aktivnosti po izvještaju Zajedničke komisije za odbranu i sigurnost BiH prilikom posjete TROM Doboj, novembar 2011. godine, s težištem na proširenju personalne formacije i rješavanju statusnih pitanja pripadnika Radionice za održavanje i uništavanje municije, major Dragan Pejović,
- Trenutni kapaciteti i izazovi radionice TROM Doboj , brigadir Marijan Pejić,
- Projekat EXPLODE, rezultati i planovi, Jasmin Porobić, projekt-menadžer UNDP,
- Projekat EXPLODE, rezultati i planovi s pozicije Oružanih snaga BiH, brigadir Dragan Stupar,
- Operacije rješavanja viškova naoružanja i MiMES-a u OSBiH, brigadir Dalibor Perić,
- Operacije s MiMES-om u 2013. godini i 100% inspekcije, brigadni general Husein Tursunović.

Dostavljeno:

- naslovu
- a/a